

Tutu é kuvi ūun e táxnūu San Juan

Ña é kāta'xi ntuvi iña ko

1 I'a ntaa ntí ni ntō iñá Cristu, ña é dukuān tuvi dá iñi ntu'u ñuxiví sa. Tēkú nti iña ñá ne, iní nti ña nuu mií nti di. Īto nteé nti ña ne, tiin nta'a ntí ña di. Ña sá'a ne, ña é kāka'an o e Tú'un Xuva kō, ña e tá'xi ntuvi iña ko. ²Tsi tá'xi Xuva kō é kīnī nti ña kata'xi ntuvi iña ko. Īnī nti ña ne, kaka'án nti ni ntō é nuu é ntaā i iña ña. Kaka'án nti ni ntō ve iña ña'a san, ña kata'xi ntuvi iña ko é ña kantí'i. Tsi dukuān tuví ña ni Xuva kō nte ntúvi dí'na ne, tá'xi Xuva kō é kīnī nti ña. ³Kaka'án nti ni ntō nee iña é ini ntí, nee iña e téku ntí, vata koo é kuédadii tsi nima nto ní nti vata tsi ó e kuédadii tsi nimá nti ni Xuva ko ni I'xā ñá Jesucristu. ⁴Sá'a é kāka'u ntí iña ntó vata koo é kuntōo díni kue'en ntó nī nti.

Ñá te nēé te niñú Xuva kō

⁵Tú'ūn sa'á nañ'e Jesucristú nti ne, kaka'án nti ni nto vē. Vá'a kue'en Xúva kō. Ña tívī nee iña é kīni kaa iña ña. ⁶Tē ntáka'an o tsi dadii tsi o ni ña ntá tsi ntáde o é kīni kaa ne, ntáka'an ó dovete; ñá tē nuu é ntaā i e ntáde o é vatā ó

ntio Xuva kō. ⁷Ntá tsi te vii o é vā'á vatā ó de Xuva kō ne, kuédadii tsi nima ko ni ta'an ko un ntíi ntíi o. Kidáa ne, níñi I'xā ñá Jesucristu kanakate kuétsi kō.

⁸Te kā'an o tsi ña tuvi kuétsi kō ne, ntaéni nta'ví mii o kúñu kō. Ñá ntántikin ntí'xe o itsi Xuva kō. ⁹Te kā'an o ni Xuva ko tsi ío ntí'xe kuétsi kō ne, ini o tsi vií ña é vā'á ne, kada ka'nu iní ña ni ko kuétsi kō. Nakate ña nima ko é un ntí'i é kīni kaa san. ¹⁰Te kā'an o tsi ña tuvi kuétsi kō ne, vata tē ntáka'an o tsi vete Xuva kō. Ña ntákuinti'xe ko tū'un é kāka'an ña.

Kanada'ān Cristu ko

2 I'xá mii ko, i'a kaka'án u ni nto sá'a vata koo é ña vií nto é kīni kaa. Ntá tsi te vii o é kīni kaa ne, ío xoo é nada'an i kō nuu Xuva ko. Jesucristu ñá ne, vā'a kue'én ña. ²Tsi ntá'vi Jesuu iña kuétsi kō da éti ña niñi ña ntíkā krusi kan. Ñá te da mii tsi iña kuétsi mii kō, tsi iña kuétsi e ntáde un ntíi ntíi ña ntōo ñuxiví sa.

³Kutuni ko tsi ini ntí'xe o Jēsuu te ntáde ntaa o é kāka'an ña é vii o. ⁴Xoó ña'a é kāka'an ña tsi ini ñá ña, ntá tsi ña káde ntaa ña é

kāka'an nā ne, da mii kuē'en tsi é kāka'an nā dovete. Nā ini ka'án nā é nuu é ntaā i. ⁵Ntá tsi xoo nā'a é kāde ntaa nā é kāka'an Xúva kō é vii ó ne, kakuinima ntí'xe nā Xuva kō. Dukuan o kútuni ko te i'xa é kāduku ntée nti'xe Xuva kō. ⁶Xoó nā'a é kāka'an nā tsí uun tsi nima nā ni Xuva kō né, na vii nā é vā'á vatā o dé Jesuu.

Tū'ún xee é kāka'an Xúva kō é vii o

⁷Ntō'lo, tá'an ko e dóo ntio ko, nā te nūu i é xee san é kāka'án nti ni ntō. Kaka'an xtúku ntí ni nto nūu i é ini nto nte ntúvi di'na. Tū'ún san e téku nto kídaā ne, sá'a kāka'an xtúku ú ni ntō. ⁸Ntá tsi i'a kade vá'a ú uun tú'un xee é nuu é ntaā i iñá Cristú ne, iñā ntō di. Tsí kaita nti'xin é kīni kaa san tsi é xee nuu i é nuu é ntaā í, vatā ó kaita nti'xin é nēe san dá kākene ngántíi san.

⁹Te iō ntó ntáka'an ntó tsi ntaíka nto mí káxi'í ne, ntá tsi ntákune'u iní nto ni tā'an nto ne, vata te ntaíka dukuan ntō mi é nēe. ¹⁰Xoo e ntákuinima í ta'an í ne, vata tē ntoo nā mi é káxi'i. Nā ntio ká nā vii nā nuu i é kīni kaa. ¹¹Ntá tsi xoo e ntákune'u iní i ni tā'an í ne, vata te ntaíka dukuan nā mi é nēe. Nā ini nā nté koo vii nā, tsí vata tē nā kaxí'i nuu nā mí'i k'ín nā, tsi dóo nee.

¹²Kaka'án u ni nto, i'xa, tsi e dé ka'nu iní Xuva ko kuétsi nto tsí xi'i Jesuu kuénta iñā nto. ¹³Kaka'án u ni nto, ūva, tsí ini nto nā é tuví di'na da iñi ntu'u nūxiví sa. Kaka'án u ni nto, na kuétsi, tsi e kúvi idé nto ni tó'lo e nā vā'á san.

Kaka'án u ni nto, i'xa, tsí ini ntó Xuva kō. ¹⁴Kaka'án u ni nto, ūva,

tsí ini nto nā é tuví di'na da itúvi nūxiví sa. Kaka'án u ni nto, na kuétsi, tsi dóo iō ntíi ntō, tsí ini va'á nto tú'un Xuva kō ne, e kúvi idé nto ni tó'lo e nā vā'á san.

¹⁵Nā ku kuinīma ntó nuu i é kīni ntāa san é iō nūxiví sa; ntē nā ku dé kuení nto é vii nto é kīni kaa vatā ó de nā'a, nā é nā ntákuinti'xe i san. Xoo é kākuinima í nuu i é kīni ntāa san é iō nūxiví sa ne, nā kakuinima nā Xuva kō. ¹⁶É un nti'i nūu i é kīni ntāa é iō nūxiví sa ne, nā te nta'a Xuva ko vē'xi, tsí i'a tsi kíi mii nūxiví sa. Nee iñā é ntio nima kīni kaa ko, nee iñā é kīni kaa é koto o, nee iñā é kāde i é vii o e dóo ka'nu nā'a o ne, sá'á é káta'xi nūxiví sa. ¹⁷Kué'en kánti'i nūxiví sa nī é un nti'i nūu i é kīni ntāa. Ntá tsi xoo nā'a é kāde ntaa nā é ntio Xuva kō ne, kutuví nā ni Xuva ko ntii dañu ntūvi.

Nee é nuu é ntaā i ne, nee é dovete

¹⁸I'xá mií ko, dokó sa nti'i nūxiví sa. Tēkú nto tsí ki'xi uun nā'a, nā kada ne'u iní nī Cristu. É títín nā xee nā ve. Dukuān ne, kutuni ko tsí dokó sa nti'i nūxiví sa ve. ¹⁹Nā kuān ntāa sán ne, kīi nteé xio nā kō, é dadíi íka o ni nā, tsí nā te kuédadíi nima nā ni kō. Tē dí uun tsi nima nā ni kō né, kuan tsí o ntaíka dadíi o ni nā. Ntá tsi kīi nteé xio nā kō vata koo é tidito tsí nā te iñā ko nā é un nti'i nā.

²⁰Ntá tsí Jesuú ne, tā'xi nā Espíritū Sántū é kunūu nā nima ntó vata koo é kūtuni ntó nee iñā é nuu é ntaā í iñā nā. ²¹É kuān ó kaka'u ú ne, nā te kakā'án u é nā iní nto nee iñā é nuu é ntaā i, tsí ini

vá'a nto. Da nēé ka dovete ne, é ini nto tsí ña te nuu é ntaā i. ²²¿Xoó ntu e dóo vete i? ¿Ñā ntu te ña é kākā'an tsí Jesuú ne, ña te dívi ñā é taxnuu Xuva kō? Ña kuān ntāa sán ne, kade ne'u iní ña nī Cristu, tsí kākā'an ña tsí ña te nuu é ntaā i é dadii Xuva ko ni I'xā ña. ²³Xoó ña'a é kākā'an ñā tsi Jesuú ne, ña te dívi ñā é taxnuu Xuva kō ne, ñā ini ña xoo é Xuva kō di. Ntá tsi xoó ña'a é kākā'an ñā tsi táxnuu nti'xe Xuva ko I'xā ñā Jesuú ne, ini ñā Xuva kō di.

²⁴Dukuān né, xnūu nto nima nto tú'ūn e téku nto dí'na. Te naka'ān ká nto tú'ūn sa'á ne, kuvi uun tsi nima ntó ni Xuva ko, ni I'xā ña.

²⁵Jesucristú ne, xé'le ñā xu'u ña tsí ta'xi ña ntuvi vā'á iña ko ntii dañu ntúvi.

²⁶Kaka'án u ni nto sā'a tsí iō ñā'a é ncho kani nta'ví ña nto. ²⁷Ntá tsi é nī'i nto Espíritū Sántū sán ne, ñā kantio é nakuā'a tuku ña'a nto. Tsi e tá'xi Jesūcristu Espíritū Sántū sán ne, divi ña kanañē'e ñā nto é un ntí'i. Ñā tē dovete kaká'an ñā ni ntō, tsí nuu é ntaā i. Kuntoo dadii nto nī Cristu, vātā ó kanañē'e Espíritū san nto.

²⁸Kaka'án u ni nto ve, i'xá ko, te kuntoo dadii nto nī Cristu vata koo é tē ntii díto ña ne, kunteē ini ko ña, ñā te kūka'an nuú ko ña tē xee ña kídaā. ²⁹Ini ntó tsi dóo va'á Xuva kō. Dukuān né, da xōo ka ña'a é kade ña é vā'á ne, divi ñā é i'xá nti'xe Xuva ko ñā.

I'xa e ntáduku ntée Xuva kō

3 Koto nto nté ntu kaa dii kakuinima Xúva ko kō, tsi

tá'xi ña é kuvi o i'xā ñā ne, i'xá nti'xe Xuva kō kúvi o. Ña é ña ntákuinti'xe i Xuva kō ne, ñā ini ñā xoo ñā'a o, tsí nte ñā ini ña xoo é Xuva kō di. ²Ntō'o tá'ān kó e dóo ntio kó nto, é i'xá Xuva kō kúvi o vevíi ne, váta kutūni kó nee iñā ntu ntuvi o ve tē kúvi, ntá tsi ini o tsí te ntii díto Jesuú ne, ntuvi o vata kaa ña di. Tsí kidáā ne, kini o ña nté kaa ña. ³Un ntíi ntíi ña'a, ña ntantétu Jesuú ne, ñā víi ka ña é kīni kaa, tsí Jesuú ne, dōo va'á ña ne, ña túvi kuētsí ña.

⁴Un ntíi ntíi ña'a, ña é ncho vii kuetsi sán ne, ña ntáde ntaa ña é kākā'án lei iña Xuva ko. Iō kuetsí ko tē ña ntáde ntaa o é kākā'án leí san. ⁵Ini ntó tsi vé'xi Jesuú vata koo é nakuitā ña kuētsi kō. Jesuú ne, ña túvi kuētsí ña nté un siin. ⁶Xoó ña'a, ña é kanuu iní i ña ne, ña ncho víi ka ña é kuētsí san di. Xoó ña'a, ña é da mii é kade kuētsi sán ne, váta kiní ñā Jesuu. Ntē ñā ini ña xoo é Xuva kō di. ⁷I'xá mii ko, ñā kū da vá'a nto é kani nta'ví ña'a san nto. Xoó ña'a, ña é kade é vā'á ne, vā'ā nti'xe ña vata kaá mii ñā. ⁸Ntá tsi xoo ñā'a, ña é kade kuētsi sán ne, kaduku ntée ña e ña vā'ā san. Tsí nte dí'na ede tó'ō e ña vā'ā san é kīni kaa. Dukuān é vē'xi I'xá Xuva ko ñūxiví sa vata koo é nantí'i ña nuu i é kade tó'ō e ña vā'ā san.

⁹Xoó ña'a é nakáku Xuva kō ne, ñā ncho víi ka ña é kīni kaa, tsí nuu Xuva kō nima ña. Ña kúvi víi ka ña é kīni kaa, tsi é nakáku ña nta'a Xuva kō. ¹⁰Dukuān ne, kutuni ko neé i'xa é kadeku ntée Xuva kō ne, neé i'xa é kadeku ntée tó'ō e ña

vá'ā san. Xoó ña'a é ña káde é vā'á ne, ñá te i'xa é kāduku ntée Xuva kō. Nté ña'a, ña é ña kákuinima í ta'an i ne, ñá te i'xa é kāduku ntée Xuva kō.

Kuinima kó ta'an kō

¹¹Sá'a tū'un e téku nto nte ntúvi dí'na: é na kuinima kó ta'an kō.

¹²Ñá víi o vata o dé Caiin, ña é ede é kīni kaa san, tsí é'ni ña ení ña. ¿Nté kui é'ni ntu ña ení ña? Tsí Caiín san ne, dōo kīni o dé ña ne, ení ña ne, dōo vá'ā o dé ña.

¹³Ñá ku kunti'i ini nto, tā'an kó, tē ntaínchu'vi ña'a ñuxiví sa nto. ¹⁴Ini o tsí xo'ō ne, ñá nī'í ka ko doxi'í san tsi e nī'í ko ntuví vā'á iña kó ve. Kutuni ko sá'ā, tsí ntákuinima kó ta'an kō. Xoó ña'a é ña kákuinima í ta'an i ne, kuan tsí koo kuví ña ni kuetsí ña. ¹⁵Xoó ña'a, ña é ña ntío kue'en tsí i ta'an í ne, vata kaa ña é kaē'ní ña'a kaa ña nuu Xuva ko. Ini nto tsí xoo ñá'a é kaē'ní ña ña'a ne, ña kúvi nī'í ñá ntuví va'á iña ña ntii dañu ntúvi. ¹⁶Kutuni ko nté koo kuinima ko, tsí Cristú ne, xé'le ña ntuví iña ña é kuví ñá kuenta iña ko. Dukuan xo'ō dí ne, naku'e'le ó ntuví iña ko kuenta iña ta'an ko. ¹⁷Xoó ña'a e dōo iō iña ñá ne, kakutuni ña tsí ió ta'an kō, ña é kakunaá ntee í ne, te káde víi ini ña é kuē'le ña ne, ¿mí'í ntū nuu é ntaā i é kákuinima ñá Xuva kō? ¹⁸I'xá mii ko, ñá te da mii tsí rki xaa ko kunteku é káka'an o tsí dōo kuinima kó Xuva kō, tsí na kuinima ntí'xe ko ñá né, na víi o é vā'á ni ta'an kō dī.

Koo ntaā iní kō nuu Xuva ko

¹⁹Dukuān é kūtuni ko tsí xo'ō ne, ntántikin o é nuu é ntaā i. Dukuān

ne, nakunuú ka'nu nima kó nuu Xuva ko. ²⁰Tē ntáde kuení ko té ña vá'a nima kó ne, Xuva kō ne, ini ña nté o ntí'xe nima ko, tsi díí ka ka'nu ña ne, ini ña é un ntí'í. ²¹Ntō'ó ta'an kó e dōo ntio kó, te iní o tsí ña tuvi kuetsi kō ne, ñá kūka'an nuu ko é xēe étsin o nūu Xuva ko. ²²Divi ña ne, ta'xi ña da nēe ka nuu i é kákan o nta'a ña, tsi ntákuinti'xe ko tū'un é káka'an ñá ne, ntáde o nee iña e ntío ña. ²³Sá'a káka'an ña é víi o: é kuinti'xe ko I'xá ñá Jesucristú ne, kuinima ko ta'an ko, vatā ó kaka'an ña. ²⁴Da xōo ka ña'a, ña é ntáde ntaa é káka'an Xúva kō ne, ntákudadii ña ni Xuva kō. Nuu mé'ñu Xuva ko ñá dī. Dukuān ini o tsí nuu mé'ñu Xuva ko kō, tsí e tá'xi ña Espíritū Sántū san é kunūu ña nima ko.

Espíritu Xuva ko ni ɛspírítū ña é káde ne'u iní i nī Cristu

4 Ntō'o tá'an kó e dōo ntio ko, ñá ku kuinti'xe nto da xōo ka ña'a, ña é káka'an tsí kantikin ña tū'un Xuva kō. Koto ntee va'ā ntó ña vata koo é kūtuni ntó tē nuu é ntaā i é kantikin ñá Xuva kō. Tsí ña te da díí ñá vete ntaíka ña ñuxiví sa. ²Dukuān é kūtuni nto xoo é nūu Espíritu Xuva kō nima i: xoo é káka'an i tsí nuu é ntaā i tsi kí'xi Jesucristu ñuxiví sa é nī'í ña kúnū é vata kaa ñatíi san ne, kaduku ntée ntí'xe ña Xuva kō. ³Xoó ña'a é ña kuān ó kaka'an iña Jesús ne, ñá kadūku ntée ña Xuva kō. Ña kuan ntāá san ne, kaduku ntée ña ña kainchu'ví Cristú san. É tēkú nto tsí kí'xi ña sa'á ne, é tuví ña ñuxiví sa vevii.

⁴I'xá ko, ntáduku ntée nto Xuva kō ne, é kūvi ide ntó ni ña vete kuān ntáa san. Tsí divi ñā é nūu ña nima ntó ne, díi ka ka'nu ña é vāta kaa é nūu nima ñā ntáduku ntée ñuxiví sa. ⁵Ña ntáka'an dóveté san ne, da mii ñuxiví sa vé'xi ña. Nee iña e ntáka'an ñā ne, iña ñuxiví sa dí ne, dukuān ntaíni ña ñuxiví sa ñā. ⁶Xo'ō ne, ntáduku ntée o Xúva ko. Xoó ña'a é ini ña Xúva kō ne, kaini ña tú'un kō. Xoó ña'a, ña é ña kaduku ntée Xuva kō ne, ñā kaini ña tú'un kō. Dukuān ne, kutuni ko xoó kaka'an i é nuu é ntaā i, xoo é kāka'an í dovete.

E dóo kuínima Xúva ko kō

⁷Ntō'o tá'ān ko e dóo ntio kó, na kuínima kó ta'an kō xé un xé un o. Tsí Xuva kō tá'xi ña nté koo kuínima kó ta'an kō. Xoó ña'a é ini kuínima ñā ta'an ña ne, i'xa é kāduku ntée Xuva ko ñā. Ini nti'xe ñā Xuva kō. ⁸Xoó ña'a, ña é ña íni kuínima í ta'an í ne, ntē ñā ini ñā Xuva kō dí. Tsí Xuva kō ne, dóo kuínima ña. ⁹Náñē'e Xúva ko kō tsi dóo kuínima ñā kō e táxnūu ña I'xá mii ña ñuxiví sa vata koo é nī'i ko ntuví va'á iña ko kuenta iña ña. ¹⁰Dukuān né, kūtuni ko tsi dóo kuínima ñā kō, tsí kuān té ña ni kuínima ko ña kídāā ne, dí'na ña kuínima ñā kō ne, taxnūu ña I'xá ña vata koo e ntá'vi ña kuétsi kō da éti ña niñi ña kuénta iña ko.

¹¹Ntō'o e dóo ntio kó ne, dóo kue'e kuínima Xúva ko kō ne, kuan koo na kuínima kó ta'an kō dí. ¹²Xuva kō ne, nté uun ña'a vata kiní ña ña. Ntá tsi te kuínima kó ta'an kō ne, nuu mé'ñu Xuva ko kō.

Kídāā ne, kuínima nti'xe ko vatā ó kuínima Xúva ko kō. ¹³Ini o tsí nuu mé'ñu Xuva ko kō ne, uun tsi kúvi o ni ñā, tsí e tá'xi ña Espiritu ñā é kūnuu mé'ñu kunuu dava ña kō. ¹⁴Nti'í ne, iní nti ne, ntáka'án nti tsi táxnūu Xuva ko I'xā ñā vata koo é nakáku ña ña ntántoo ñuxiví sa. ¹⁵Da xōó ka ña'a é kāka'an ña tsí Jesuú ne, I'xá mii Xuva ko ñā ne, nuu mé'ñu Xuva ko ñā ne, uun tsi kúvi ña ni Xuva kō.

¹⁶Nti'í ne, é kūtuní nti ne, kakuinti'xe nti tsí Xuva kō né, dōo kuínima ñā kō. Dōo ini kuínima Xúva kō. Xoó ña'a é ini kuínima ñā ta'an ñā ne, uun tsi kúvi ña ni Xuva kō ne, nuu mé'ñu Xuva ko ñā. ¹⁷Kuān koo kutú've kō é kuínima kué'en ko ta'an kō vata koo é ña u'ví ko tē xee ntúvi é kā'an Xúva ko xoo é vā'a í ne, xoo é ña vā'a i iña ñā ntántoo ñuxiví sa. Tsi é kutú've kō é kuínima ko ta'an ko ñuxiví sa vata o kuínima Xúva ko kō. ¹⁸Xoó ña'a é ini kuínima ñā ne, ñā kau'ví ña. Tē nuu é ntaā i é ini o é kakuínima nti'xe kō ne, ña túvi nee iña é kau'vi ko. Dōo nto'o ko te kau'ví ko. Xoo é kau'ví í ne, vata kutūni vā'a i nté koo kuínima i.

¹⁹Ini kuínima kō, tsí dí'na kuínima Xúva ko kō. ²⁰Te iō ñā ne, kaka'an ña: “Kakuinimá ko Xuva kō”, ka'an ña, ntá tsi ña ntío kue'en ñā ta'an ña ne, koó dā dovete kaka'an ña. Tē ña kakuínima ñā ta'an ña é kainí ña ne, ¿nté ntu koo kuínima ñā Xuva kō, tsí vata kiní ña ña? ²¹Xtúvi Xuva ko tū'un sá'ā é káda ntaa o: Xoó ña'a é kakuínima ñā Xuva kō ne, na kuínima ñā ta'an ña dí.

Kuvi víí o ni ñuxiví sa

5 Un ntíí ntíí ña'a ne, kuvi ña i'xá Xuva ko tē ntákuinti'xe ña tsí Jesuú ne, ña ña é taxnuu Xuva ko ña. Xoó ña'a é kákuinima ñá uva i'xá san ne, kakuinima ñá i'xá ña ña. ²Dukuān né, tē ntákuinima kó Xuva kō né, tē ntáde ntaa o é káka'an ñá ne, dukuān ne, ini ó tsi ntákuinima kó i'xá mii ña Jēsuu. ³Ntákuinima ntí'xe ko Xuva ko tē ntáde ntaa o é káka'an ña. Tū'un e xtúvi ña é káda ntaa o ne, ñá te xido víi. ⁴Tsí un ntíí ntíí ña'a, ña e kúvi i'xá Xuva kō ne, kuvi víí ña ñi é un ntí'i nuū i é kīni kaa é ió ñuxiví sa. Kuvi víi o, tsi ntaínúu ini ko Xuva kō. ⁵Xoó ña'a é kákuinti'xe i tsí Jesuú ne, I'xá Xuva ko ña ne, kuvi víí ña ñi é un ntí'i é kīni kaa é ió ñuxiví sa.

**Nuu i e ntántada ntaa
iña I'xá Xuva kō**

⁶Dā kí'xi Jesucristu ñuxiví sa ne, ntute san ni ñíí san xe'é kuenta. Ñá te da mii tsi ntúte san, tsí ntute ni ñíí ña. Mii Espíritū Sántū san kantada ntaa ña nee iña é nuu é ntaa i iña Cristú ña. ⁷Ntuní nuu i sá'a e ntántuntaa e dukún kán: Xuva ko ñi ña é káka'an o Tū'un ña ni Espíritū Sántū. Ntuni sá'a ne, uun tsi ña'a kuvi. ⁸Ió ka uni núu i ntántuntaa ñuxiví sa ña: Espíritū sán, ni ntúte sán, ni ñíí san. Ntuni núu i san ntántudadi. ⁹Kuinti'xe ko tū'un é kántada ntaa ña'a san, ntá tsi tū'un é kántada ntaa Xúva kō ne, díí ka kue'e nuu á'vi i. Tsí kantada ntaa ña kuenta iña I'xá ña. ¹⁰Xoó é kákuinti'xe i I'xá Xuva kō ne, nuu tū'un é nuu é ntaa í nima ña. Xoó é

ñá kakuinti'xe i Xuva kō ne, vata te káka'an ña tsí vete Xuva ko, tsí ña ni kuinti'xe ña é káka'an Xúva ko iña I'xá ña. ¹¹Sá'a ne, tū'un é ntaa ntaa Xúva kō: é tá'xi ña é kuntuo o ni ña ntii ña ñu ntúvi te kuinti'xe ko I'xá ña. ¹²Xoó e tūvi ñi' i I'xá Xuva kō ne, e ní'i ña ntuvi vā'á iña ña nta'a Xúva kō. Xoó é ña tūvi ñi' i I'xá Xuva kō ne, ña tūvi ntuvi vā'á iña i nta'a Xúva kō.

I'a ntí'i tū'un sa'a

¹³Kade vā'a u sá'a iña nto, ña ntákuinti'xe I'xá Xuva kō, vata koo é kīni vā'a nto tsí e tá'xi Xuva kō é ñi' i nto ntuvi vā'á iña nto ntii ña ñu ntúvi.

¹⁴Ntaínúu ini ko Xuva kō, tsí ini o tsí katekú ña da ntaíkan o da neé ka nuu i nta'a ña, vatā o ntío ña. ¹⁵Te ini o tsí katekú ña é káka'an ntá'v'í o ne, ini o tsí ta'xi ntí'xe ña da neé ka nuu i é kákan o nta'a ña.

¹⁶Xoó ña'a é ini ña tsí kade ta'an ña é kīni kaa, uun kuetsi é ña kaxé'e doxi'í san ne, ka'an ntá'v'í ña kuenta iña ta'an ña. Kidáa ne, kué'e Xuva ko ntúvi iña ta'an ña, tē ña te kuetsi ká'nu é káxe'e doxi'í san. Tsí ió uun kuetsi é káxe'e doxi'í san. Ñá te káka'an u te ka'an nta'v'í nto kuenta iña i sá'a. ¹⁷Vata dá kade o é kīni kaa ne, ió kuetsí kō. Ntá tsi ña te un ntíí ntíí kuetsi san kaxé'e doxi'í san.

¹⁸Ini o tsí xoó ña'a é nakáku ña nta'a Xuva kō ne, ñá ncho víí ka ña é kīni kaa. Tsí I'xá mii Xuva kō ne, kade ña ña kuenta. Ña tūvi nee nuu i é kīni kaa é kúvi víi ka é ña vā'á san ni ña. ¹⁹Ini o tsí xo'ó ne, ntáduku ntée o Xuva kō. Ntá tsi ña

ntáduku ntée ñuxiví kini kaa sá ne,
da mií e ntáde ña é kākā'an tó'ō e
ña vá'ā san. ²⁰Ini o tsi e xée I'xá
Xuva kō ne, tā'xi ña é kūtuni ko xoo
é Xuva nti'xe kō. É ntuvi uun tsi o
ni ña é Xuva nti'xe kō, ni I'xā ñá

Jesucristu. Divi ña é Xuva nti'xe kō
né, kata'xi ña ntuvi vā'á iña ko ntii
dañu ntūvi. ²¹I'xá mií kó, kuenta
vií nto é ña kunuu iní nto xoo é ña
te Xuva nti'xe kō. Sá'a tsī é kā'án u
ni ntō.